

1. Многолетье Ивану IV

Ако подобает на часех на царских многолетствовати многолетна.

Устрой, боже, благоверного и христоролюбиваго царя и государя, великаго князя Ивана Васильевича на многа лета. Многолетна. Устрой, боже, благовернаго и христоролюбиваго царя и государя, великаго князя Ивана Васильевича всея Руси на многа лета. Многолетна.

Устрой, боже, благоверного и благороднаго и христоролюбиваго царя, богом избраннаго и богом почтеннаго и богом возлюбленнаго, богом венчаннаго и богом соблюдаема и богом превознесеннаго, государя нашего, великаго князя Ивана Васильевича Владимирскаго и Московскаго, и Смоленскаго, и Тверьскаго, и Новгородскаго, и Псковскаго, и Болгарскаго, и Язтараканскаго [и] инья всея Руския земли самодержца. Государю нашему на многа лета. Многолетна.

Устрой, боже, благовернаго царевича Феодора Ивановича, устрой, боже, благовернаго царевича Дмитрия Ивановича на многа лета.

Благовернаго великаго князя Семиона Бекбулатовича Тверьскаго на многа лета. Многолетна.

Устрой, боже, господина нашего пресвещеннаго архиепископа Александра новгородскаго и псковскаго на многа лета. Многолетна.

Устрой, боже, православное христоролюбивое царя и государя, великаго князя Ивана Васильевича воинство, благоверных и христоролюбивых князи русских и бояр, пекущихся о божиих церквах и о всемь православном христьянстве на многа лета. Многолетна.

Устрой, боже, все православное христьянство и даруй [и]мь всякого блага.

О, владыко, Христе царю, спаси и помилуй и избави нас от нашествия иноплеменных и междособных брани, и от напрасныя смерти заштити, спаси и помилуй на многа лета. Многолетна.

Устрой, боже, все православное христьянство в мире глубоце и во благовременней помощи и во умножении плодовь земных на многа лета.

Спаси, Христе боже, всех преподобных отець наших, игуменов и архимандритов, еже о Христе з братьею, и весь чин священнический, и отець наших духовных, и святым храмом сим в веки веком. Аминь. (л. 153 об.—154 об.)

2. Заздравная Ивану IV

Молитва заздравия. Говорить над кануном: «Благословен бог нашъ» Таже: «Никто же притекая ко тебе». Таже тропори и по трепарех: «Господу помолимся». Та же канун пети и крестить трижды, та же молитва.

Владыко многомилостиве, господе Исусе Христе боже нашъ, молитвами пречистыя владычица наша богородица и присно девы Мариа, силою честнаго и животворящаго креста, заступлением честных небесных сил безплотных, честнаго и славнаго пророка и предтеча крестителя Иоанна, святых славных и всехвальных апостол и святых добропобедных мученик, преподобных и богоносных отець наших, святых праведных богатень отець Иааокима и Анны и святых трех святителей, вселенских учителей, Василья Великаго и Григорья Богаслова, Иоанна Златоустаго, и иже в святых отца нашего Николы архиепископа Мирликыйскаго, чудотворца, иже во святых отець наших архиепископов александрейских, чудотворцов, Афонасиа и Кирила, иже во святых отца нашего Петра митрополита всея